

T5662/3153(13)

Harvard College Library Imaging Services <https://imaging.harvard.edu>

CM	0	1	2	3	4	5	6	7	8	9	10	11	12	13	14	15	16	17
Lab D50 2°	95/0/2	81/0/0	66/0/0	51/0/1	35/0/0	20/0/0	29/19/-54	55/-39/33	42/51/29	82/4/79	51/50/-13	50/-28/-29						
	38/14/16	66/16/18	50/-51/-22	43/-14/21	55/-9/-25	71/-32/0	62/34/60	40/9/-43	52/48/17	31/21/-21	72/-23/57	73/19/68						



CHINESE-JAPANESE LIBRARY  
HARVARD-YENCHING INSTITUTE  
AT HARVARD UNIVERSITY

DEC 9 1953



AT HARVARD UNIVERSITY  
RICHARD ALDRICH LIBRARY  
CHURCH - STANLEY - CORNER

DEC 2 1923









名家雜劇

新都昌朝汪廷訥著

武林

山公王象坤

閱

西湖彥雯汪 樗許

士張穆四維

廣陵月

韋將軍聞歌納妓

張才人度曲止喧

正名

祿山兵擾殘宮禁

廣陵月重會姻緣

第一齣

戀芳春 生扮韋將軍上博覽詩書精閑戎馬芳名播

滿乾坤指日丹書鐵券擬下楓宸況復襟懷灑樂怕

哈佛大學漢和  
圖書館珍藏印

蘇氏所  
藏印



廣陽月  
容易霜凋潘鬢，閑評品自歌斷。韓娥阿誰重，奏陽春、  
鷓鴣天。不學書生老，一經壯猷。何忝舊干城，才高  
定遠，曾投筆。年少終軍欲請纓，詩寄傲，酒陶情。愛  
從花月度新聲，曲中有誤。周郎顧羸，得詞場獨擅，  
名下官姓，韋名青字太素。見爲驍騎大將軍，長安  
人也。幼承家學，醉心孔孟之書，長慕邊功，銳意孫  
吳之術。我想雕龍繡虎，雖能傳瀛，選于一時，不如  
大劍長鎗，自可覓侯封于萬里。因此遠拋鉛槧，專  
習韜鈴。今上講武新豐，蒙姚司馬將某力薦于天

子，親試弓馬，並問安邊之策。龍顏大喜，遂被殊恩，  
特拜斯職。但下官性喜吟哦，兼通音律，退食之暇，  
每以歌兒舞女自娛。我有幾個相識的樂官，雖嘗  
煩他來校正其板眼，終不當意。正是安得餘姿，掩  
離扇，輕輕飛落畫梁塵。今日稍閑，且往門首延佇  
片時，有何不可。

懶畫眉非敢離蟲小技，薄言文只爲儒寇多誤身。不  
如揮戈躍馬，建奇勳，博來斗大黃金印。名勒燕然萬  
古存。



京師既係四方奏集之處，况我所居在這昭國坊，又是通衢真好繁華也。

前腔門前車騎日紛紛，多少東西南北人，看他衣染洛京塵，欲求名利甘勞頓，何似我十載青雲已致身。

旦在內唱介：生呀，耳邊廂忽聽得歌聲清亮，不知却是何人，只得在此少待。

丑執拍板旦素粧同上。前腔誰憐阮籍路途貧，按不住盈盈淚滿巾。丑孩兒，

我苦是理當，可惜你這般青年，怎捱寂寞。旦紅顏薄

命古曾云：怕你高年不耐饑寒困。合只得忍耻包羞

做乞人。

生呀，原來是一個求乞的女子，却怎麼唱得這般一樣好，待我再聽。丑追憶當年出教坊，過雲聲裏姓

名揚，于今年老無衣食，攜得嬌娃入帝鄉。旦不抱

琵琶彈酒肆，權將檀板按新腔。掩淚介：可憐，可憐，五侯七貴門如海，青眼誰能顧道旁。丑我兒，且喜

入得都城，這昭國坊前正是熱鬧之處，你將我夜來教你的曲兒唱一支，討得幾文錢也好。旦孩兒

理會得。旦唱丑拍板介



前腔東門有女集如雲。羅綺晴驕紫陌春。爭妍鬪麗  
往來頻。落花有意將弓鞋印。路上行人欲斷魂。

生呀。這女子不惟聲音嘹亮。亦且意態風流。到是  
一箇尤物。不免喚他進來。詢問一番。多少是好。那  
老者進來。我問你。  
丑旦。老爹叩頭。  
生。起來。你是那  
裡籍貫。姓甚名誰。

宜春樂。丑。蒙尊問。聽訢陳。念張和家居永新。生是吉  
州人。姓張。丑。教坊卑末。但憑歌舞為資本。生原來是  
個樂工。怪道唱的十分好。這女子莫不就是你生的。

麼丑。歎零丁膝下無兒。仗弱息年來隨趁。生你為甚  
麼却來到此處。  
丑。不堪受窘。向人求乞。暫度朝昏。

生。女子。你現今多少年紀。喚甚名字。

前腔旦。烟花市。蒲柳身。念紅紅生無二旬。生十七八

歲。正當妙齡。何乃埋沒窮途。奔走衣食。旦掩淚介。家  
寒命薄。五陵裘馬難親近。因此上按紅牙。短巷長街。  
覓青蚨。香消脂損。把嬌羞自忍。跳不出眼前窮限。若  
箇溫存。

前腔生。背介。聽他言詞。慘看他着黛顰。似枯魚遭逢

通九隊  
中在此  
一字千  
金百恐  
三國周  
那又要  
氣殺



不辰我心懷慷慨願將升斗蘇危困這女子甚當吾  
意但不知他父親肯賣與我否論當場白雪堪誇便  
十斛明珠何吝我須將伊面懇若是有緣千里問甚  
水人。

生轉向丑張老你桑榆遲暮怎當得衣食蕭條道  
旁乞哀這也不是常策你女兒既有這般絕技便  
將他與一箇仕宦之家圖些財禮有何不可丑掩  
淚介苦呵小人亦曾思量到此只是年老孤身離  
女孩兒不得旦亦掩淚介生你父子既不忍分離

我有一說我家姬妾雖多你若肯將女兒歸我我  
必另眼相看且把你養贍終身使父子朝夕聚首  
你主意若何丑待小人與女孩兒商議丑向旦我  
兒這位老爹所言你肯聽從否

解三醒旦向丑低唱說不盡滿懷愁悶愧生來墮落  
風塵丑我本是門戶出身何消埋怨旦誰知一貧至  
此似飄萍斷梗無投逯知甚日得歸根丑你既欲從  
人不可失了這箇主兒旦我見他潘安容貌天生俊  
想司馬才華定出羣只不知做甚麼仕宦須詳問但



得你衰年飽爰，我願托終身。

丑轉向生說了這一會話，却忘記問老爹尊姓，見居何職。生我便是驍騎大將軍韋太素。丑且驚云：呀，有眼不識泰山，原來就是韋將軍老爺。丑我見你今番嫁得着了。

前腔 丑向生仰威名如雷斯震，更心田藹若春溫。生

你既情願，却要多少聘財。丑只恐蒹葭倚玉無緣分。

這金帛再休論。生難道我白娶你的女子，須從實說

來。丑我殘生但得霑餘潤，劣女何妨充下陳。丑且道

情順家垂盼，犬馬知恩。

前腔 生見他行全無推遜，纔邂逅便魚水相親，仙源

有分何必桃花引，好教你貯金屋，侍瑤尊，再休把歌

喉畫逞長安市。只合夜伴襄王效雨雲。合添丰韻看

新粧改換，寵奪朱門。下

### 第二齣

遠地遊 外扮李龜年上梨園職掌，寵倖徼天上，論簫

韶九成奚讓，試看彩鳳來儀。太平有象，儘歡娛千秋

未央。



君王樂譜手親刪。羯鼓聲高琴瑟閑。一日三郎度  
曲後。許多天樂在人間。自家李龜年御前供奉。總  
領四部梨園樂官是也。今開元聖人龍飛御世。不  
但鴻才駿略。永奠山河。亦且繡口錦心。兼長詞賦。  
春花秋月。盡粧點海宇昇平。暮管朝絃。只打疊宮  
闈行樂。其幸蒙高力士薦拔。得受差恩。雖不敢假  
虎作威。儘可以借光于日。選妓隨。惟是獨秉  
琴。徵歌出洞房。別一個難。昨日萬歲爺  
在沉香亭。與楊娘娘賞牡丹。命李翰林新撰樂府

三章雖逞天才。終乖律呂。我歸而製成一曲。名曰  
一寄生草。即欲進御。恐其中字句尚有未妥。韋將軍  
素號知音。我特去與他商議一番。多少是好。正是  
白雪憑誰和。朱門且自投。下生旦上  
憶秦娥。生心豪放。不期奇遇。從天降。從天降。綠珠姿  
態。韓娥伎倆。且此身只擬溝渠喪。一朝提挈。青雲上。  
青雲上。恩波兼使。白頭無恙。

生自是三生幸。且因教千里逢。生才傾歌舞隊。且  
寵冠綺羅叢。奴家以烟花賤質。猥蒙相公收錄。青



眼相看，且使衰朽之親，並沾存活之惠，豈惟願操  
帶終身，更欲效銜環九地，乞懷永念，勿使暫離生  
我與你，乍見先已情投，一言便自機合，白首爲期，  
丹青可鑒。

金梧桐生你似蘭從幽谷香，蓮向青泥長。况天付歌  
喉定，遇知音賞。今日呵深藏繡閣中，粧束皆宮樣。添  
得丰神巧筆，難摹倣。怎教人夢魂不戀陽臺上。  
前腔旦慚非窈窕娘，辱侍將軍帳。只合翠袖殷勤，勸  
裝江湖量。難將下里音，漫向金樽放。怕誤處多多惹

公瑾添惆悵。生我畱心音律，非止一年到處聞歌。再  
無出卿之右者，不盡揄揚，何勞謙遜。旦非奴故意虛  
謙讓。

外上門前排榮戟，案上設琴書。爲何無人在此，我  
只得呼喚一聲，韋將軍在家麼。生呀，有客到來待  
我私覷一覷，向外覷介。低對旦云：原來是李供奉，  
此人極精音律，當今天子第一喜他，你可在。此聽  
他些議論。旦理會得。生出相見介。生正賦停雲句，  
外來聆捉塵談。生供奉請坐，足下在顧，有何見諭。



外昨日萬歲爺在沈香亭賞牡丹命李翰林所撰

樂府君侯曾聞否生佳則佳矣若論音節還讓足

下外某不揣謏陋歸而成寄生草一闕必先得君

侯訂過方敢進呈生待我命侍兒烹茶來領教外

不勞不勞生趨入對旦介你可用心聽他按拍日

奴家當以小豆記之生出介願聞佳作外唱以手

掌拍板旦在內用小豆暗記介

北寄生草外正內苑情怡豫占三春景豔陽名花種

種尊前放芳樽日日花前釀新詞句句筵前唱拚着

這玉山頽償不盡好襟懷趁着那月華明看不足嬌

模樣

生鼓掌大叫妙哉妙哉不獨詞意擅場亦且板眼

合拍李翰林拜下風矣外卑人不避獻笑特求斧

斤似此獎譽過情恐失就正之意生趨入問旦卿

能得其節奏否旦已得之矣生出對外僕有一侍

兒久曾歌此應非新曲是下何相誑也外呀卑人

夜來方纔換成誰道是舊曲果有能記者請試歌

之生向內云張姬可就隔屏歌與李供奉聽旦照

此等八  
不  
有



邊着知  
已不覺  
感矣

前唱寄生草介外用手拍板介外呀。綺庭玉樹聲。  
聲自合鸞歌繡幌金荃字字偏諧鳳律不數四時  
子夜絕勝舉國陽春君侯從何得此美人穎悟乃  
爾生實不相瞞是下官新納之姬姓張名紅紅永  
新樂家女也外君侯不罪龜年敢請一見生我正  
要求君傳他心法相見何妨向內叫張姬快出來  
拜見了李供奉且出拜外介大人萬福外還揖介  
美人少禮君侯美人不獨記性非凡亦且按拍穩  
協某先度此曲尚有一聲不穩今且賴彼正之矣

敬服敬服且奴家女流未閑律呂幸勿吝教請道  
其詳

二郎神外重斟量我曾向詞源費審詳。天地元聲開  
寶藏名雖小技須教協律依腔欲度新聲休忒樣。忌  
的是撓喉捩嗓縱才長論此中規模不易低昂

前腔參詳含宮泛徵延聲促響把仄韻平音分幾項。  
陰陽易混辨來清濁微茫識透機關人鑒賞用不着。  
英雄鹵莽更評章歪扭捏徒然玷辱詞場。  
喙木兒生聞高論闡秘方張姬你須打疊精神相效

百節中  
全言



做填詞念舊譜多訛。按拍祛俗學膏肓。改絃又慮翻。  
新樣循腔自可成絕唱。千載秦青遠繼芳。

前腔旦相公這李大人所言非虛謬真當行怪不得  
製作精工絢七襄。我從今後願潛心扇掩桃花敢胡  
歌浪逐霓裳行雲不放青天往輕塵飛落雕梁上那  
時節衣鉢親傳大有光。

外當今天子雅好此道正恨會心無人

黃鶯兒燕趙滿昭陽。但徵歌願未償似你美人這般  
聲色呵六宮粉黛應皆讓。生他纔脫烟花這廂怎敢

望鑾輿那廂只合石家深貯藏春帳。旦按宮商得伊  
指教幽思欲飛揚。

尾聲外高山流水琴中響。生旦幸遇着知音見賞。合  
從此名馳花月場。

生張姬快分付庖人備酒在後園與供奉少敘。外  
不勞不勞。旦請坐還要領教。下

### 第三齣

末扮高力士上紫禁鶯花滿玉除終年出入侍鑾  
輿莫言抽筆無文藻狗監當年薦子虛自家是唐



廣陽月  
朝內使高力士官拜監門衛將軍、只今畫袴懸魚、  
朱扉施馬、殿頭供奉名掛着紫微垣中、班首傳宣、  
位列在黃門郎上、司六宮之局鑰、問萬乘之寢興、  
真箇是貴極貂璫、寵倖無比、昨夜萬歲爺與楊娘  
娘、謙賞牡丹、十分沉醉、今日傳旨、免百官朝參、此  
時聖駕將起、我只得在這便殿伺候、道猶未了、李  
樂官早到、**外上**金縷歌聲細、霓裳舞袖長、明知傾  
內苑、特地薦紅粧、**見末**叩頭介、老公公、李龜年參  
**見末**供奉免禮、**外**萬歲爺此時未出、想必夜來中

**酒末**對此名花、忍不沉醉、**內**大呼駕到、**外末**驚慌

跪伏介、小生扮明皇、雜扮女官隨上

菊花新、小生、瞳瞳日色照龍樓、遙見南山紫翠浮、簾  
幙上金鈎、探花事且消、殘酒

親賢贏得固金甌、日日筵開花萼樓、夜向沉香亭  
上醉、翠盤猶記舞腰柔、寡人自登寶位、幸際昇平  
武戢聖功、文成睿藻、性格大饒風韻、聲歌盡入歡  
娛、知音度曲、三郎之絃索通神、掩扇回眸、妃子之  
容華絕世、况逢韶景、兼對名花、是以連夕飲興方

不兼



廣陵月  
濃且將朝政暫輟、今日不覺起得稍晏些、李龜年、  
你曾度有新曲否、**外**臣啟萬歲、前見翰林李白所  
撰清平調三章、臣不揣庸愚、勉強學步、因製寄生  
草一闕、特呈御覽、**袖**中出詞稿、**介**小生接上來、**末**  
接稿送介、**小生**看介、絕妙好辭、卿自歌與朕聽、**外**  
唱前寄生草、**介**小生不意音律之和、至此卿可將  
宜春院美人作速教成、朕今晚要與妃子花前同  
賞、**外**臣啟萬歲、宜春院美人雖多、所歌皆未盡善、  
小生盡善的却也難得、**外**臣昨日聽驍騎將軍章

青、新姬張氏度曲、不獨聲音合拍、亦且穎悟絕倫、

宜春院美人皆所不及、**小生**怎見得、**外**臣偶歌新

製寄生草一曲、那張氏竟不須復歌、便自熟記、就

中間有不合拍處、他便就裡搜求、臣因欽服其技、

懇求一見、容貌又復絕世無雙、**小生**如此甚好、只

是朕怎生得見他一面、**外**此姬原係樂籍、章青憐、

其才而收之、**小生**既係樂籍、見他也不妨、高力士、

速宣章青並張氏入來、**末**領旨、為囑天語去、特召

玉人來、**虛**下生日同上



遊紅樓生一曲梁州按未休君命召焉敢遲留旦畏  
見天顏趨前退後生美人我與你此去呵恐惹別離  
愁

末萬歲爺在便殿等待多時了入見小生跪伏介

末韋青張氏宣到生臣韋青率臣妾張氏叩見陛

下小生賜卿平身適纔李龜年奏張氏善歌不知

他係何方人氏卿從何得之一一奏來生這張紅

紅

石榴花是永新角妖從幼擅歌喉伊父挈入皇州向

人求乞爲身謀恨陽春與里耳難投臣聞其聲偶爾

賞鑒憐伊訴由願相畱庶免窮途走望天恩海嶽崇

深赦微臣聲色貪求

小生張氏既然善歌可將新詞試唱一闕與朕聽

前腔旦唱外按拍介神霄絳闕麗日五雲浮開綺讌

待宸遊雲和一曲倚筵篔簹君王轉盼回眸持觴勸

酬見垂楊罨畫移清晝奉歡娛離輦行春怕淒涼紈

扇停秋

小生呀聽這曲豔麗中含蓄許多淒惋却是何人



所作旦跪介此宮中行樂之詞卽賤妾自擬爲者  
泣顏回小生你不獨擅清謳詞源峽水同流論毛嫵  
西子雖韶顏誇耀千秋爭似你錦心繡口這宮詞學  
士應難就倘隨咱侍奉鑾輿肯教伊寂寞春秋

生跪云臣啟陛下張紅紅之歌旣當聖意臣願進  
獻以侑萬年之觴乞恕臣罪小生卿意固美如奪  
所好何外臣啟萬歲宜春院須得此姬提調庶幾  
府方有正傳小生旣如此高力士可取黃金千兩  
彩幣百端以賜韋青紅紅賜名永新卽封爲才人

使掌直春院生旦叩頭介臣等謝恩

前腔旦蒙收向仕女做班頭低對生唱縱新恩幸遇

舊德難酬生低對旦唱君王寵愛從教魚水相投小

生高力士快分付設讌花前朕欲同妃子聽才人度

曲末領旨先下合看花送酒向良宵細細把新聲奏

迓天庥國泰民安送年華趙舞吳謳下

### 第四齣

生查子末上富貴已傾朝恩寵應難報身叅侍莒闈  
口代傳宣召



此古今  
所未有  
皆道快  
事也

自家高力士是也。萬歲爺二月前在五鳳樓酺燕，  
命三百里內刺史縣令帥所部音樂集于樓下，各  
較勝負。端的是曠古奇觀。近日得了才人張永新，  
慶他歌舞迥異，特令他教習宜春院美人。昨晚傳  
旨欲今日賜大酺于勤政樓，放萬民縱觀歌舞。又  
是二場勝事。此時想筵席俱已整齊，不免親喚永  
新走一遭去。正是：預占春樓無限景，更聽風度管  
絃聲。  
**下**

**洞腔** 旦日照瑣窗高宮樹，啼黃鳥。珊枕夢初醒，離緒

知多少。

自誇歌舞勝諸人，博得君王吟睽勤。祗爲新恩承  
漢苑，舊歡如夢絕音塵。奴家自領宜春院事，喜得  
衆美人俱已教成。因此至尊越加寵愛，非蒙韋將  
軍將奴進御，何以至此。我思想他的恩情，今生定  
難再會，真好斷腸也。

一江風暗魂消，鸞鏡羞重照。這幾日呵，韻減崔徽貌。  
別侯門，一入深宮無計通音耗。聖上每聞奴家度曲，  
輒稱一字一金。雖然龍樓奪錦標，龍樓奪錦標，不是



我烏衣舊燕巢。愁只愁雲孤月寡。紅顏老。  
前腔。係心苗。怕女伴私相諂。勉強爲歡笑。看眉梢。有  
恨常顰。盼不到御水流紅小。除非做玉簫。除非做玉  
簫。姻緣兩世交。當今便有古押衙出世也。難教無雙  
重把子飛效。

末上。九重春色滿龍樓。紅嶼晴花隔彩旒。聞有美人  
新進入承恩。常得待宸遊。才人萬歲爺。今在勤  
政樓。醮宴。你可快去伺候。旦曉得。同行介。內傳呼  
云。駕到。末旦跪伏道旁。介。小生扮明皇。小旦扮貴

妃。生外王服淨楊國忠。貼旦老旦扮號秦二夫人。  
同上。末旦高力士張永新迎接萬歲爺。

一剪梅。小生九天閶闔降鸞鑣。樓入烟霄。樂奏簫韶。  
衆臣民何幸際唐堯。翹首烟霄。側耳簫韶。

小旦見介。賤妾叩見陛下。小生。妃子起來。生外見  
介。臣成器等蒙召赴宴。願吾皇萬歲。小生。皇兄皇  
弟免禮。淨貼旦老旦見介。臣楊國忠號國秦國。叩

見陛下。小生。賜卿平身。臨江仙。小生。太平有象春  
如海。玳筵欲醉流霞美人粧。姤上林花。衆與民同



樂不負好年華。小生欲換新聲翻舊譜。瓊樓高啟  
窗紗。遍呼樂部選諸家。合踏雲鶯管天路。玉京賒。

小生朕叨享成平。皆賴汝等協贊。况近得張永新  
將宜春院美人教正音律。因此欲作樂樓中。大賜  
酺宴。衆陛下恩波俯及。臣等樂事仰同。快覩鳳儀  
願歌魚藻。小生皇兄皇弟。讌設于樓東。楊國舅往  
陪。妃子宴設于樓西。虢國秦國往陪。衆叩頭云奉  
旨。各下。外李龜年領樂人上。歌樓對三道吹臺臨  
九重。鼓飛雲上鶴。笛奏水中龍。叩頭介李龜年率

領梨園子弟叩見爺爺。小生去樓下伺候。衆奉旨

各下。小旦貼旦老旦上。九重臨化日。萬國喜同風。  
試奏霓裳曲。行雲駐碧空。叩頭介宜春院美人叩

見爺爺。小生起來伺候。衆奉旨。生外淨丑老幼百  
姓在內叫云。我們進去看演樂。我們進去看演樂。

小生爲何這等喧鬧。末啟萬歲爺。這是衆百姓欲  
進觀歌舞。小生傳旨着他們進來。末聖上有旨着

衆百姓進來。生外淨丑亂入。走介

金錢花欣逢九塞烟消。烟消風流。天子當朝。當朝。聞



知歌舞出妖燒分御酒賜珍庖弛禁令任醜醜弛禁  
令任醜醜

小生高力士傳旨衆百姓都集樓下聽歌命光祿  
寺各賜酒肉未傳旨介衆呼萬歲介未張永新奉  
觴梨園子弟奏樂旦送酒介內作樂介未樂止美

人度曲

梁州序 三旦每唱一聲衆人擠門未止不住介城開  
雙鳳樓依三島臣庶同瞻天表三千粉黛無非柳  
花嬌齊向瑤臺緩舞玉榭清歌伎倆施呈巧怪人聲

偏洶湧似一濤絲竹難將音律調合霓裳奏金樽倒  
羨王民千載同熙皞歌湛露誦天保

小生怒介高力士百姓似此喧譁不惟魚龍百戲  
之音不聞亦且朝廷正氣之氣安在快把宴收了  
起身欲行介未晚介奴婢啟上爺爺萬姓騰懼勢  
難遽寂請命永新當樓歌一曲必可止喧小生這  
也說得是永新快歌小生坐介衆人仍擠鬧介

前腔 旦翠華臨幸龍鱗飛耀衆人側耳靜聽介旦綺  
薄珠叢香裊天顏有喜九重春醉仙桃我自舞慚飛



燕歌謝韓娥。只恐誤惹周郎。蒲霞觴滿。引處卿雲飄。  
百寶欄前簇絳綃。合前

衆人齊聲唱采介小生呀。永新纔一奏曲。廣塲寂  
寂。若無一人喜者。聞之氣勇。愁者聞之陽絕。真是  
陽春絕唱。千古希音。

前腔小生不須合梨園樂奏雲璈。單只按紅牙歌傳  
窈窕。見人人側耳。盡息喧囂。真個是遺聲振木。遊響  
停雲。穩協雍門調。國中難屬和。曲彌高。下里巴人枉  
見嘲。合前

小生高力士問光祿寺給散酒肉。完也不曾。末問  
介內應給散完了。

前腔衆向小生叩頭唱祝吾皇壽比天高。祈母后齡  
同地老。更河清海晏。荒服來朝。但願椒房情洽。花萼  
恩深。宇宙同懽樂。人人依大造。近雲霄。鼓腹含飴滿  
路謠。合前

小生傳旨百姓皆散。朕將回宮。末傳旨介衆惟願

一生同草樹。年年歲歲樂于斯。下內貴妃諸王等

伺候謝恩。小生夜深免謝。內應領旨。小生醉態凭



旦肩介永新你果然歌得好旦跪介奴婢何當陛  
下過稱小生取巨觥來我再飲幾杯旦跪進酒介

節節高小生樓回北斗杓興偏豪醉魂帶殺嫣然笑  
你年方少顏正韶歌真妙旦詞場投得君王好重瞳

一顧增榮耀合拚取厭厭玉漏沈明朝還有金錢召  
小生朕不飲了起駕末美人作樂導駕回宮眾作

樂行介

前腔合鸞笙與鳳簫間檀槽鈞天一派歸途鬧馳閣  
迴墮翠翹然犀照月中簇擁如花貌鳴環動珮香風

梟門開金鎖六龍飛人人霑醉天將曉

尾聲宮車輾處雷霆繞回首樓頭燭漸消嘹唳餘音  
尚自飄

第五齣

北新水令淨扮安祿山丑扮孫孝哲雜扮軍上淨神

謀秘計久安排問腹中赤心安在見如今干戈臨牧  
野眼見的麋鹿走蘇臺壯志雄才管一統乾坤大

營州牧羊兒生來有貴相劉石亂中華虜亦應天  
象自家大燕皇帝安祿山是也夙秉奇姿常懷大



志官居方鎮爵拜郡王、天子殊恩、鐵券開裂、土之  
賞貴妃、寵愛錦襪、賜洗兒之錢、滿朝廷麟鳳、皆吾  
腹心、盈邊塞虎狼、盡吾牙爪、招軍買馬、鐵騎如雲、  
積草屯糧、金戈耀日、茲乘天子昏耄、更兼姦相弄  
權、因此位僭東都、兵連番漢、可喜河北二十四郡、  
勢如破竹、巴克潼關、適纔探子來報說、車駕已往  
馬嵬、將幸巴蜀、不乘此時急收長安、更復何待、我  
已命孩兒安慶緒、追殺天子去了、孫孝哲、你可去  
攻破都城、我隨後便到、事定之日、論功陞賞、**丑**得

令

清江引、淨都城一鼓應奏凱、取九鼎如拾芥、雖然胡  
兒志願盈、不見妃子妖嬈態、恨三郎這般亂離中、還  
戀色。

**丑**陛下休得焦哩、臣此去收了長安、復提兵來馬  
嵬、手奪楊妃、奉歸萬歲、淨拍手大叫、妙哉妙哉、若  
得楊妃、我將天下分一半與你。

前腔、**丑**君王福分應難賽、大業全收快、你休將羸弱  
軀、枉把相思害、我把他奪將來也、願做箇乾娘拜。



淨快領兵前去齊喊下

香憐娘去旦小旦扮宮娥外末扮老內侍慌跑上恨  
胡奴不仁恨胡奴不仁翻江攪海這場禍事天來大  
歎鑿與避兵歎鑿與避兵二旦丟下女裙釵外末衰  
殘難布擺內鳴鑼喊介合聽軍聲到來聽軍聲到來  
脚兒怎擡忙奔宮外跑下

前腔旦慌走介正教歌內庭正教歌內庭君王寵愛  
不期天翻地覆遭驅害見宮娥亂逃見宮娥亂逃人  
盡畏狼豺我孤身沒倚賴內鳴鑼喊介旦呀這喊聲

來的甚近想都城瓦解想都城瓦解須投草萊勢難

擔待跑下

前腔丑晉巾跑上歎年逃命乖歎年逃命乖貧方無

賴干戈平地將人駭雖喜逃山城來但身邊盤纏一

文也無如何是好只得前行再作區處行介旦急上

窄弓弓繡鞋窄弓弓繡鞋久未歷塵埃怎當這禁害

掩淚介可憐三千宮女怎麼沒一箇做伴同行我想

韋將軍此時必然也攜家而逃我曾記得他說有一

個姑娘躲在儀真我只得找尋到彼或有韋將軍的



下落也未必、但不知儀真離此呵、隔幾多境界、隔幾多境界、我婦人家、如何擺劃、跳不出悶山愁海、

丑望旦云那來的婦人、到是一箇奇貨、但不知他要往那里去、我上前問他一聲、旦哭云如此亂離、兀的不苦殺我也、

前腔丑勸娘行放懷、勸娘行放懷、這場擾害、山河大地須臾改、何況你我、是時該命該、是時該命該、旦奴家怎敢埋怨、只是家鄉遙遠、苦無同行之人、丑娘子家鄉在何處、旦在儀真、丑背身介這婦人身邊定有

盤纏、我只得就計而行、轉身向旦介我此行正要往

儀真過、旦呀、如此說却是奴家之幸了、一路盤纏、皆

在奴家身上、丑理當奉陪、旦拜丑介行住願相偕、朝

昏望攜帶丑、愁眉暫開、把愁眉暫開、合嫌疑莫猜、

三生緣在、

### 第六齣

番卜算生國破與家亾、避地延殘喘、何時重整舊山河、遂我中興願、

一望長安萬事非、縱橫戎馬壯心違、更憂窈窕深



廣陵  
宮女誰仗銀鑄一解圍。下官身受國恩。心慚莫報。  
每見安祿山包藏禍心。幾番切諫。爭奈主上信讒。  
反將下官疎斥。只得退休林下。不料這廝陡犯都  
城。民遭屠戮。下官亦恐不免。因此挈家來到廣陵。  
但不知日來聖駕安往。教韋青放心不下。

桂枝香。漁陽兵變。攪殘畿甸。改換了一代衣冠。竊據  
九重宮殿。恨營州牧兒。恨營州牧兒。全恣恩眷。翻  
成惡怨。弄烽烟。不將父母常推戴。甘使鑿輿遠播。遷  
前腔。胡塵方搨。帝鄉難戀。暫從旅邸。棲遲。還把姓名

更變。區區一身何足惜。惜千秋社稷。惜千秋社稷。干  
戈難偃。被犬羊侵占。掩淚介。怎朝天。不能勾沉香亭  
上。酣歌舞。他却在凝碧池頭。奏管絃。

內請相公用晚飯。生掩淚介。哎。君父之讎。不共戴  
天。我今日偷生至此。死有餘愧。食忍下咽乎。正是  
義不嘗周粟。行將餓首陽。虛下

小蓬萊。丑旦同上。丑。何處舊家庭院。望長安烽火相  
連。旦。孤身逆旅。得伊提挈。免喪黃泉。

丑。去國離家爲避兵。旦。不堪回首鳳凰城。丑。佳人



何幸逢萍水。旦明月扁舟泊廣陵。丑小娘子我與

你一路行來。雖擔了些辛苦。且喜雇得這隻船兒。

明早揚帆去儀真不遠。只是你我何忍遽別。旦重

辱相攜。定當厚謝。方纔沽得一尊在此。與足下暫

解塵勞。丑多謝多謝。旦斟酒送丑介。

排歌浪迹無依。萍逢見憐。潛身幸脫羶羶。丑與卿合

是有前緣。此夜開樽。月滿船。合人星散命瓦全。斷腸

回首各風烟。杯雖覆。恨轉牽。只落得江楓漁火對愁

眠。

丑丑互勸飲介。生同僕上。生可憐。一片城頭月。多

少征人望故鄉。今夜月明如畫。且到水閣上。閑聽

片時以消悶懷。有何不可。

皂羅袍向晚寒潮如練。更涵來皓魄。分外澄鮮。哎當

此清光。不知張姬流落何所。嫦娥不獨歎孤眠。只怕

妖蟆誤把蟾宮占。旦勸丑飲。丑醉倒先下。旦呀如何

酒量。這般樣淺。便已沉醉了。生兵戈阻絕。音書怎傳。

夢魂飛越。愁城轉堅。倩不得淮南雙鯉行方便。

旦出船頭介。王生已醉卧艙中。奴家且對月少坐。



哎奴家此去不知得遇章將軍的姑娘否兀的不  
愁殺人也。

前腔把酒思將愁遣。奈同舟作伴。肺腑難言。僕相公

你聽那隻船上。是美人的歌聲。生待我聽。旦恨胡奴

驀地犯中原。宮闈一旦遭兵燹。生呀。這好像是張姬

的聲音。小廝我與你快放過船去。傍着他船邊。再聽

僕相公。天下人聲音多有相似的。只恐不是張美人。

生你休延遲。快撐船去。生上船。僕撐近。旦介。巨掩淚

介。我那章將軍呵。朱門貴客。可得絲蘿再纏。紅顏薄

命。只恐溝壑竟填。張紅紅。這般運蹇呵。好似花飛無

主。枉把東風怨。

生呀。果然是張紅紅。不知他同着誰人到此。小廝

將船緊挨着他。待我好問。僕撐船介。生低喚介。張

紅紅。旦驚顧云。呀。這好像是章將軍的聲音。僕到

也差不多兒。快過來。快過來。旦過生舟。抱生哭介。

相公則被你想殺奴家也。生兵犯宮闈。你怎生到

得此處。旦奴家逃竄出城。料相公必然避亂。遽難

尋覓。且往儀真。暫投你姑娘居住。路逢一姓王的



士人、携帶我來。**生**王生于今安在。**旦**方纔飲了幾  
杯、醉卧船艙未醒、相公你却在何處。**生**我正欲往  
儀真去、只因不得你的消息。

**長拍****生**欲避胡塵、欲避胡塵、兼詢宮信、效鷓鴣一枝  
權戀、闌凭溪水、憶王人無限情懸耳。昨忽歌傳聽過  
雲聲。心知是舊時嬌倩。不意藍橋重得遇。乘月色照

三原足  
四角解

嬋娟。我和伊緣分應非淺。似延津劍會合浦珠還。

**短拍****旦**自侍鑿與、自侍鑿與、遙分鶯燕。只道與君戾  
斷絕姻緣。不料鞞鼓驟喧天。只得傍人逃竄。正是情

知不是伴、事急且相隨。心還慮會逢無便。何幸扁舟  
此際。一霎時缺月重圓。

**旦**奴家既遇相公待那生酒醒、我便與他別了。何

如、**生**不可、不可。下官隱姓埋名、恐胡奴聞知、不當

穩便。你明早同他放舟前去。我命小廝駕船中途、

與你相遇、只道父母差來接你。你那時賞送他些

盤纏、與他分別。我在此相候。**旦**這主意甚妙。**丑**在

內叫小娘子、醉殺我也。**旦**呀、王生已醒、我且暫別

過船、先下**生**小廝撐船回水閣上去。**丑**應撐船介



尾聲生女牛。咫尺銀河遠。明夜橋從烏鵲填。不知何  
日干戈得晏然。下

第七齣

淨扮船家上。昨宵明月。今日順風。占盡風月。獨有  
梢公客官。快起來梳洗了。趁風開船。丑旦同上丑  
快開船。快開船。趕到儀真去。淨撐船同行介

步步嬌丑夜月光搖。溪流淨。樽酒閑乘興。朝來未解  
醒。欲赴真州掛帆烟艇。小娘子。一路行來。費了你許  
多盤纏。鄙心甚是不安。旦說那里話。丑只待胡虜四

郊平。那時我訪到令尊處。陪伊重返長安境。

前腔旦滿目豺狼相凌併。少婦難僥倖。蒙君慷慨情。  
舉手相援。脫身陷穽。我只怕到得儀真。丑到儀真却

怎麼。旦惆悵別離輕。愧無瓊瑤報答。全軀命。虛下

前腔僕搖船上。扁舟遵奉東君命。專把嬌娃迎。搖搖  
數里程。他望眼將穿。怕做了尾生孤行。呀。遠遠見一  
隻船來了。懸想那娉婷中流應向蓬窗凭。淨撐船丑

旦同上介胡虜正縱橫。何年得返長安境。

僕望旦叫介那船上兀的不是我家姑娘。旦叫介



那船上兀的不是我家使者。僕老爹奶奶聞安祿山之變，特差小人尋訪姑娘迎歸家來居住。旦我也正來相投。僕快請過船來。丑呀，怎生就與你相別。

六么令旦中心咽哽，感謝君家途路垂青。霎時分手淚珠傾，可恨我已乏囊釵一股，贈君行。我此去在儀真住下，待君同把歸帆整。待君同把歸帆整。

前腔丑臨岐自省，你是鳥投林，撇我孤另，茫茫江海。歎飄零金釵惠義，非輕僕相送千里，終有一別。何須

苦苦畱戀，快過去，開船。旦官人請了。旦過船介。丑且

執手介無端別在須臾頃。無端別在須臾頃。丑下

你且坐定了，我從三汊河轉放船去。僕搖回船同

旦衍介

江兒水生寄迹，因逃難憑誰得定。傾家園不問荒三徑，朝宇惟虞遷九鼎。干戈更恐戕羣命，晝夜關心成

病。僕老爺兀的不在水閣上候你哩。旦望生叫介相

公奴家來也。生暫解愁腸，是重合菱花粧鏡。

僕撐船近岸介。旦上岸與生執手介。



五供養旦勞君待等幸得一時風順好趁扶搖直送  
飛鵬生你在那人前不曾露出我的名姓來麼旦伊  
方悲獨往寧復究他情我與你相逢水亭還疑是南  
柯夢境生今日似七夕銀河上會雙星免教逆旅歎  
零丁

末扮院子上叛臣今已滅捷報急須傳入見生介  
稟老爺院子叩頭生你來了京師中虜勢若何

玉包肚末胡塵掃淨生是何人建此大功末是郭汾  
陽雄威蕩平生天子已回鑾與麼末自鑾與遠幸西

川命儲君位正神京生呀新主既立張姬我即當送

你入宮去旦掩淚介纔得聚首又欲分襟怎生是好

末請勿傷悲一封丹詔下彤庭生旦詔書怎麼說末  
俱免舊日宮娥入鳳城

生這般說張姬你永絕掖庭之恩終作侯門之配

不違初願相守白頭旦舉手對天介謝天謝天生

院子快設酒筵一者慶聞捷音二者喜得歡會待

明日買舟還長安去末理會得

玉交枝生重逢堪慶况機槍欣傳肅清今宵預把歸




期定樽前歡。奏新聲。旦枯魚幸然得再生。文禽依舊  
成交頸。合免身為浮花蕩萍。免身為浮花蕩萍。  
僥僥令。合烽烟初罷。警琴瑟正宜鳴。昔日歌喉依然  
在向。秋月春花樂太平。

尾聲合。長安日下乘歸興。麟閣雖慚未畫形。拚把  
舞清歌過此生。並下





真傀儡



十種曲

綠野堂無名氏編

如道人黃嘉惠評

西湖

上達黃之珪

仲含吳國華

閱



真傀儡

宋天子訪政舊中書

杜祁公藏身真傀儡

正名

社長上 鷺湖山下稻梁肥 豚柵鷄栖對掩扉 桑柘

影斜春社散 家家扶得醉人歸 自家桃花村 兩箇

里長 我是孫三老 他是張三老 本村年年春秋二

真傀儡

不獨爭  
 名於朝  
 者可發  
 一嘆印  
 雙休林



社、釀錢置酒、做個大會、今次輪該我二人做會首、  
聞得近日新到一班、偶戲兒、且是有趣、往常間都  
是傀儡粧人、如今却是人粧、的傀儡、不免與他來  
耍一回、言之未已、會中人早到、淨上自家趙大爺  
是也、爲我父親做箇兩任省祭、在下隨任攻書、徹  
古通今、做箇侯門教讀、今日到桃花村看傀儡去、  
左右、將我馬帶回去、着四人轎、絹簷傘來候我者、  
進介請了、衆請了、丑上自家商員外是也、原是鷄  
肆裡出身、爲何叫做鷄肆、每日去街上扒沙積攢

得箇小家當、鋪設門面、隣里奉承、我是箇官、坯都  
喚我做商員外、今日人都去桃花村中看傀儡、我  
也赴會去、童兒把我大皮箱、擡在門外、怕要賞人、  
哩、進介請了、衆請了、淨丑我兩人在此、以後休要  
放開雜人來、怕他沒規沒矩、不當好看、你們且擺  
完酒席戲場、待傀儡來也、正末道袍騎驢上、老夫  
姓杜、名衍、會稽山陰人也、官拜平章政事、封祁國  
公、則我七十致仕以來、撚指的又是二十年光景、  
也且喜蚤脫離鸞坡鳳掖、懶得又安排綠野平泉、



每日則是混迹市廛。隨緣過去。暗受些不知名的笑罵。纔降得人。我幢高權。趁些不可口的茶湯。纔填得。齏鹽債滿。閑蕭蕭。槐王化外。笑欣欣。竹馬群中。要煉得火氣全無。直待到世人不識。人都道我怡神適興。強鬧煖。這冷淡生涯。不知我避世逃名。一故實。弄些風流罪過。卽今是社相公生日。又好去吃酒治聾。想我爲官時。汲汲波波。怎能勾有今日也阿。

新水令二十年來不犯五更霜。則我這白襴袍。至今無恙。乾坤打哄風雨亂排場。着甚忙忙着甚忙忙。一任這懶驢頭半街撞。

牙這些攘攘的爲甚。原來是傀儡棚兒。我正要看看傀儡哩。且拴住這驢者。拴驢進介。列位請了。丑。看你。不村不郭。是什麼樣人。來此怎麼。誰與你請。末。便請何妨。淨。我說道。不要放這等沒規沒矩的。進來。衆大爺。原不該放他進來。丑。你莫不也要捱在會裡麼。末。便是。也要看一看。丑。後來的。要出大分哩。將錢五貫來者。末。這箇到有袖中有太平寶鈔。



一錠不知幾貫拿去。淨嘆這老兒拿得出這錠鈔來。如今怎麼坐衆自然大爺坐了。淨這箇我也決不讓他丑近來新例貴不敵富你也該讓我坐。淨你不怕我說出本色來。丑你又不怕我說出本色來。衆兩相讓些罷。鄉黨間只是序齒罷了。淨怎麼說箇鄉黨間。難道你衆人也與我序齒未肯唱。

沉醉東風咳。他有幾床笏。恁般官樣。這有幾船茶。便會風光。淨丑指衆介。你衆人下些不要沒規矩。衆不敢。末這須是野鷗席上。又不比鷺序鵷行。我一向只

道官途上難處。誰知道這狠人心到處。炎涼。淨看末介。阿呀。到忘了你。你不富不貴。又不是會友。闖進來也要坐。丑適纔既收了他的會錢。做箇方便。放他在擡角兒。捱捱罷。老兒勾了你了。末多謝多謝。一任你牛表沙三自逞強。折末盡我官人們氣莽。

淨丑耍傀儡的。此時也該來了。耍傀儡上場打鑼。介西江月。分得梨園半面。儘教鮑老當筵。絲頭線尾暗中牽。影翻躑眼前。今古鏡裏姪妍。來了來了。內吹笛外扮少年官。扶醉丞相上官。跪諫相作惱。



介下衆這是什麼故事要這是漢丞相痛飲中書堂故事。

清江引漢山河穩倩取干戈裏老丞相無些事畫箇太平圈守定蕭何律旁立箇醒人勸不得

衆問淨這丞相何名淨這是沛公左司馬曹無傷譜了沛公沛公做皇帝不記舊怨封他為丞相什方候他喜出望外因此日日爛醉末這是曹相國參不是左司馬淨偏你曉得他生出來就是丞相的起初也曾為將來末是是他曾為將來

好此做  
話語  
絕

十八拍則他雄赳赳驅兵將為甚一堆兒酒魔上淨

對衆也只是箇酒徒末微笑介是箇酒徒這的是調

和麪藥成佳釀淨指末一坐人偏你多說只合着驢

嘴看戲罷了末耳邊廂嚷嚷心窩兒癢癢我想那做

宰相的坐在是非窩裏多少做得說不得的事不知

經幾番磨鍊過來除非是醉眠三萬六千場纔做得

二十四考頭廳相

耍又來了又來了二妓引丞相出妓舞相作歡喜

介衆這是甚的故事要這是曹丞相銅雀臺的故

非經歷  
一過不  
能道隻  
字  
飲醇原  
勝伴食  
萬倍

頭鬼編

五



事

滿堂紅銅雀飛來來也波來十二金釵釵也波釵歌  
臺舞臺臺也波臺鵲兒垂臺也歪安在哉銅瓦千年  
姓名改

衆問淨這又是誰淨這就是前面的老曹兒子小  
曹了衆有趣這小的又風韻些強似老的只壹味  
寡醉哩末咳曹孟德你好駿也

掛玉鈎笑煞你老精神也消磨錦瑟傍看這些俏香  
魂容不得些兒長你使盡見識瞞得誰來剛贏得兩

道墨掛在眉尖上衆好箇標致老丞相生出這樣花

夢人觀  
說夢奇  
絕誕絕

嘴花臉的出來只是他衣冠動作像得爺好偶不瞞  
你說一時扮不及把面子裝上去面子介衆笑介

原來就是一出戲什麼父子什麼父子要我們哩不

好換來末笑這些兒也爭差不多了一箇是這樣一

箇是那樣看這些依樣葫蘆也古來史書上可知多

少李代桃僵

一史  
亦古今  
大傳  
青耳

要兩番演的前朝故事你們爭是爭非如今要箇  
眼前故事罷來了來了偶扮一丞相一夫人上又

真鬼編



一帝上帝作冒雪敲門介相出引進跪拜介帝與  
相夫人指畫介衆這是誰要這是本朝趙太祖雪  
夜訪趙普故事

寄生草這底是洒落君臣契底多少飛騰戰伐功當  
夜裡九微燈影深深弄千門魚鑰沉沉動驚的這嫂  
夫人喚醒鴛鴦夢則他丞相府共撮水晶鹽也強如  
讀書堂捱徹酸齏甕

淨這箇故事我爛熟哩這皇帝是在下的祖宗這  
趙普丞相是皇帝的哥子全憑半部論語幫助他

得了天下這論語家下有哩着實是本秘書指本  
介你老兒像箇識字的這書可曾見麼木也曾見  
來

趙普何人而學自  
言某法論語以半部  
佐太祖收天下平則已  
信証極矣

殿前歡這滋味也曾嘗則這趙韓王呵他雲龍風虎  
善施張也是他布衣兄弟好肝腸我想也波想我便  
有硬手兒敢批黃則這生面兒也難投狀罷罷罷功  
業讓與前人了只可笑趙韓王二百萬買第止得一  
日臥遊爭如我二十年呵漁樵相傍這都是些無邊  
界的相公庄



前導引朝使上自家小黃門官便是聖人有口勅

着我宣問杜相公聽說道在桃花村看傀儡一徑

到來進介那里箇是杜相公末怎麼到這裡來則

老夫便是衆作驚介問淨什麼叫做相公淨想是

秀才丑不是不是是外郎衆這樣怎值得天使來

敢又是一起做戲的使相公朝廷有口勅宣你呢

末

雁兒落我今日將身在恁地藏這十行字誰承望使

相公怎得箇朝衣謝恩纔好衆怎麼討起朝衣來末

戲演

這區處怎得有來也罷將傀儡衣服權用一用罷衆

真是幻

驚介云怎麼戴起丞相帽來說死我也末只得演朝

念幻念

儀在傀儡場假金緋胡亂遮窮相

真妙不

衆看衣介相公穿得來不稱體不好看哩末

容言

得勝令顛倒着這衣裳裝扮的不斷像分明是本伴

歌。登場。上。身材兒止。爭些短共長。拜介我再啓首吾

皇。問甚麼麥熟蠶荒狀。使聖人道相公有補天浴日

手段特遣相問今日保治之道何者爲先末生疎了

朝章捏不出擎天浴日的謊

真鬼



使老相公不須多遜，仔細條荅上來。

水仙子感皇慈特地相咨訪。我則怕沉閣了當時舊奏章。如今雖說是太平常言道。忙時用着閑時講。老臣前日備位時，常有三句話道：刑以不殺為威，兵以不用為武，財以不蓄為富。今聞奉宸庫積有二百萬，何不盡發以賑饑民，可惜朽腐了先朝封庫椿。儘堪充雁鶩餘糧。臣又看得韓琦、范仲淹，當代偉人，可使同心輔政。劉滬一時健吏，可令戴罪立功。則願的密結起麒麟網，高擎着鳳凰梁。便是老微臣諫草生香。

外報介又有一箇內官來了。使下官先將老丞相

這話回覆聖人去。下中貴上扮二使執杖執杯隨

後直入介。聖人有密勅一道，着相公白看者。末接

跪稱萬歲。作看介諫議正言等衙門一本，杜衍三

公入市，有失相體，幸賜貶放，以尊朝廷事。這是箇

彈本淨丑怕也。莫不本上帶我們姓名，天使爺他

不是我會中人。使陡對末云：還有聖諭在後。末聖

諭道：諫官妄奏，觸忤老成，朕已畱中不發。卿此後

亦宜檢點出入，以答衆望，慚愧慚愧。



折桂令望我皇上呵休摧殘臺省鋒鏘已現獲着傀儡真賊臣則是潦倒行藏兒童猥傍野老相忘背介這些小後生落我計中也誰知我巧買脫喬名虛望還將我舊三公體面來降使聖人又着咱口問相公先生做官一廉如水致仕多年家業有無若何末臣有臣有只今日茶飯家常仰仗恩光還有這五枝楊柳八百枯桑

使聖人還有一道明勅對衆開讀者平章杜衍功成弼亮密贊尤多天佑忠貞躋茲上壽特賜白玉

靈壽杖一條赤金九霞杯一具有司月給廩米人

夫代朕養老謝了恩者末萬歲萬歲萬萬歲丑淨有趣杜相公是我們會裏人這賞賜也該均分此

衆你纔說道不是會中人來末

喬牌兒又費了朝廷萬石糧報答會無紙半張止餘得憂時白髮三千丈使非老相公大德怎當此寵眷來末說甚麼大德這的是傀儡場頭落來的賞

使下介衆拜杜相公恕小的有眼不識淨相公我原道你像箇識字的末列位說他則甚我脫去這



衣服你還認得我否。脫衣介。

鴛鴦煞尾。還了你粧門面的破衣囊。原歸我鄉祭酒。那窮門巷。哥兒們也。則勸你無是無非。相親相讓。有馬同騎。有酒同噷。對淨丑。休誇你舞袖郎當。則我杜平章也。纔充箇社長。小哥。明年此日再來此處看傀儡。衆如今小的們不敢了。末說那里話。惟祝願歲歲春王常聽。這古櫟叢中笑聲響。下。

衆那知這箇老兒。這樣大來頭。且是好相處。這會志強似看戲哩。

清江引。我看那杜相公。真伶俐。脚色般般會。纔與說鄉情。又好陪皇帝。則教我世世的子和孫。伏侍着你。

做戲的半真半假。

看戲的誰假誰真。

杜相公好似騎驢的果老。

淨丑帶挈區區做第八位仙人。



